

國家圖書館分館編

清代孤本方志選

(第一輯第二十四冊) 湖北 蕪州志〔康熙〕十二卷

盧澹巖先生重修

蕪州志

書林凌濟之梓

書林影齋之印

寶鑑

寶鑑

重修新州志序

之支郡東漢爲斬春

荆派

茅重地居荆

山

素稱阨塞

心修於真

子迄今

金月一
百一十二年載籍蕪廢州人盧
使君澹巖有志補續投訪於
兵燹殘破之餘久之獲舊志
於吾邑故家手自排纘發凡
起例拾遺補闕於是蕪之掌

故燦然臚列靳志始得爲完
書矣余惟郡國之有志名曰
地志實則史也有唐元和以
後地志始盛宋人撰地志者
吾所及見則宋敏求之長安

東京二志程大昌之雍錄范
成大之吳郡志陸務觀之會
稽志詳略得中具有體要有
明地志盛稱康德涵之武功
王敬夫之鄆縣都玄敬之練

川顏惟喬之隨州武功鄠縣
練川近古而太略隨志略於
隨而雜舉時政非體也使君
有良史之才留心斬志輶軒
所至廣諮博訪如楊子雲所

云把三寸弱翰齎油素四尺
以問異語歸卽以鉛摘之於
槧歷載構綴以有斯文文直
事核有倫有要其事則蘄其
文則史當與宋程諸公抗行

後世豈不禕哉余嘗習乎楚
之故矣黎爲高辛氏火正以
淳耀惇大光昭四海故命
曰祝融其子孫實光啓土春
秋詩禮樂故志訓典之教則

申叔時志之三墳五典八索
九丘之書則左史讀之韓起
見易象春秋曰周禮在魯楚
兼之矣自公羊子斥楚爲南
夷而宋儒解一匡天下證明

其說余詳考之詩所謂蠶爾
蠻荆者毛萇曰蠻荆荊州之
蠻范曄以爲長沙九溪蠻也
孔子稱齊桓一匡天下爲其
伐山戎斬孤竹非爲包茅徵

楚之役也宋儒承公羊之誤
合蠻荆而一之使祝融明德
之後與盤匏犬戎之種共襲
南夷之號春秋以來翼軫鶉
尾之區蒙氣未雪此亦楚人

之責也使君今之申叔左史
也其亦以蘄爲職志徵文奮
筆爲三楚一洗之他日將爲
楚語爲楚書而假余言以發
其端余請執簡以竢焉

歲在癸卯嘉平臘十有九日

石渠舊史虞山錢謙益謹

序



序

蘄者楚之香艸也屈子爲離騷
上徼天帝中采遊仙下及于木
夫土伯魚屋龍堂之異狀而其
所志不出於荃蘭芷蕙一二香
草之間則蘄之爲楚矣也漢縣